

縣志卷十三

人物志一

舊志稱蘄多異人云斯亦未必然夫八國之維也中非其質而名為高徒自黠矣蘄為一都會亾論薦紳先生鄉邑井里率質有其文矯矯國香焉余視其他無議獨李清七以布衣潦倒而以名夫人亦砥行礪名耳崇卑顧問哉

德行列傳

五代

陳起蘄春人南唐舉進士為黃梅令時有妖人諸祐者自

蘄水縣志

卷十三 人物

一

言能使貧者富富者貧俚民效之積衆數百夜行晝息取資於盜起到官數日籍祐為里長不服且嫚言曰吾取令頭殺豎子耳起聞執祐斬之由是知名遷監察御

史

元

薛天定生宋末會盜起里人推為郡長募義保障寇不敢深入至元世祖下江南手詔召拜為防守撫郡按伏官尋擢先鋒使從平閩定廣下越取淮口勲益着遷滇萬戶府總管轄漢番兵馬使經畧邊夷再遷兩淮防禦都

招討總鎮江南上護軍公嘗病語曰吾當臨陣死公□  
安能居牖下死兒女手即至治癸亥寇至淮力戰卒於  
軍事聞天子遣中使護喪贈總帥謚威武賜其家楮帛  
子楚卿襲總管漢卿領延祐進士高第授館博士孫薛  
徵明初督金華軍事徵子薛均仕明官至應天府尹  
薛徵大定之孫蔭父楚卿爵當紅巾叛元因授兩淮水陸  
都統制提督江南兵馬總理軍國事徵髮纓上指搯腕  
勤工募兵泰淮間為王師內應遇明高皇帝渡江天大  
雷雨弓膠盡解人馬蹶躄密授知者移檄諷公不就尋

蘄水縣志

卷十三 人物

二

遣左司郎中吳明遠賫手詔召徵徵望江邊王氣奮臂  
曰得母真主出乎遂跳驅渡江從明太祖帳中屏語大  
悅令叅知幕府畫竒策屢中命下吳破金華意得重臣  
鎮之非徵亡與者遂督金華軍事其治金華狀大都饗  
士卒除兵戎薄徭役所至問民疾若語在制誥中  
李清七清八兄弟也生值元末性剛毅謹禮好義俱以標  
梧英邁聞至正辛卯徐壽輝陷蘄水相與附會者衆矣  
徐及門辟之將授之官而兄弟匿子鄉人兵伯通宅徐  
必素致之堅杭不屈鄉薛湖東畔之樹殺之鄉人皆曰

義士也有司謂其有功名教立廟於其河中之太公石  
時致祭焉志稱布衣潦倒矯矯國香盖即公兄弟云

明

薛均薛徵子巴河人均生時徵夢人投萬鈞懷中遂名萬  
鈞以高皇帝禽更名均少有竒節好讀書見群兒遂戲  
輒□去不顧里中人竒之已而補博士弟子治五經名  
籍甚性峻潔清苦而敦孝誼郡二千石李以懷才舉召  
赴南畿上十策高皇帝見而驚咤久之將大用而均陳  
臣母疾危放歸明年上大辟天下文武庶能之士郡人

蘄水縣志

卷十三

人物

二

江勝等復以均聞因授揚州府泰州□同已而除合州  
知州治行為天下第一文皇帝召入為陝西行太僕寺  
卿以內艱歸哀慘三年如一日既闋堅不出賜環者二  
而均始出補應天府尹益崇尚清約獨買舍餘一片地  
種菜甚具旦暮荷鋤往芸之神王也日飽鱸粥菜茹文  
皇帝密使人廉之得其狀笑曰人皆樂惟孤與均獨苦  
耳應天先是以租不時收當事者皆以罪去均到官筦  
事展月輒完報頃之即乞歸時年已七十上特進均禮  
部侍郎固留均均拂衣去不顧均性峭直不容人小過

即南中僚友輩多懍伎均比歸行篋不減於他仕宦□  
文疑均位高金多彼夫乎日皆謬為清白謾人者也隨  
之中途發均篋惟紙馬板一具發篋者愧汗詰之故均  
曰遺兒孫無他長物令業此當有以活矣其清苦如此  
歸剪茅構廬蕭然蓬茨足蔽風日□當事貴人造均均  
匿不一見也晚號隱林野老吟咏自喜居恒念母甚搆  
望雲圖為詩若干讀之輒泣數行下先是文皇帝知均  
貧甚命有司賜官湖頃餘為贍養資後人因名曰欽賜  
湖又曰薛家湖至今子孫世守湖而兼鬻紙馬糊其口  
蘄水縣志 卷十三 人物 四

里有薛紙馬之號焉萬曆中邑令閩士選曾冠帶其子  
孫而扁其廬曰清白世家戶科給事中官應震復為之  
詣謚云

楊思義魁梧竒偉美丰姿有幹材通天文地理及握竒兵  
機之學洪武中以薦舉累遷戶部尚書舊有木坊並遺  
像俱毀墓塋黃草湖側有石碑題曰楊丞相之墓明季  
崇禎間有黃岡鄉紳易某者謀塋之乘隆冬密雪向庄  
居酷飲而公塚已為群僕佃所掘發視之棺栢木頭廬  
甚大遷枯骸於穴下搆生窟二於其上封以石整如也

至春雷乃擊生瑩面再茸再擊易某親自叩奠乃止名  
欲移窆柩於此非大風雨則暴兵寇阻之黃岡庠生方  
某者云此地不可失力勸葬易窆之次子夫婦及上塚  
啟土而方主病次日病篤擗至中途而斃其後所謀瑩  
不過掩無嗣之末子世子而已夫公之行事不少槩見  
而即以一杯土未敢輕犯於數百年之後豈非生而正  
直沒而神靈者設

土聰城山間鄉人性謹畏有口力時孟家山產野焉一性  
猛躡惟公能收控之公善飲善飯以兼人之力擔貨貿

蘄水縣志

卷十三

人物

五

易止得一飽後荷大鐵具乘馬入行伍間洪武末從軍  
至北平靖難兵起以劄校累功授都指揮歲壬午九月  
四日成祖大封靖難功臣封聰武城侯食祿壹千五百  
石子孫世襲後與成國公朱能北征至沙漠絕遠地召  
五總戎深入五德戎以地窮僻無鄉導不前行經畧丘  
福催督深入五將陷歿子瑄居北都襲蔭一女為親王  
妃詔招公魂葬於祖瑩白荆山下贈漳國公其後子孫  
失封至萬曆間追叙前勲授指揮

呂鏞宣德丙午舉於鄉授萬安學教諭陞河南宣陽知縣

有政績調福建清流縣時賊鄧茂七陷清流邑無城郭  
鏞拒之力不能支具服端坐庭中抗罵賊口怒殺之解  
其體清流人士哀其忠節於阜城廟奉祀勿絕

魯永清字本瑞五月而母喪成化辛丑舉進士為大理評  
事援摠典刑不少爽情理時有博七弟子被法當辟秋  
曹皆貸之流為百姓公曰不可竟如法治之先是評事  
多剩員公曰得人足矣何冗為減三之一西崖李東白  
張篁墩程諸君子爭敬重之已而知成都府遇旱公設  
糴賑之為石四萬餘府故無預備公乃置倉為糴本明

蘄水縣志

卷十三 人物

六

年又饑出如入數而泛賑者不與焉時老幼相吊曰吾  
等不即填溝壑守之力也安縣賊烏集計黨萬公徃善  
諭之賊聞而服皆散去茂州總戎死無適子有庶子二  
爭襲公問以長法不少假云先是設釜八於公門外令  
諸訟者各以粲就爨就爨訟輒斷輒得歸有魯不解擔之謠  
李嘉魚銘其墓

李汰字立菴生來志希賢聖不屑科名與人言口涉古今  
閔世教閭閻細務一語莫之及也修身正家獨行古道  
鄉人化之友人勸習舉業由儒士以易經中成化丙午

科鄉試丁未乙榜授江西永新縣訓導立教以操存號履為先刻小學家禮等書俾學者講習而躬行以率之弘治丁巳陞浙江義烏教諭修家譜图系宗歐陽氏蘇氏而叅以諸名家式有凡例有譜訓後稟以為法焉甲子福建聘公典試有干以私者叱遣之刻南閩紀行詩有句云豈知着力年來事正在區區善利間修義烏縣志府公有念其清苦者餽之三百金公以修學宮復于府公曰一緘之惠上及聖賢下及士類矣於吾一身何有哉考積過家遂不出始作木主祀考妣初鄉人未之

蘄水縣志

卷十三

人物

七

知也正德庚午子宗元舉于鄉公書畧云天地間掀揭事皆吾分內事此出門一步耳何足動心舉清明省墓禮正德庚辰二月初七日卒距生正統戊辰九月十九日年七十有三慨然曰吾學孔子朱子之學得與之同壽足矣公性資仁厚噐宇端莊於道有得其教江浙也卓有蘇湖風著立菴集祀義烏名宦

徐吉貞以弘治戊午孝廉守忠州時麻鷄兇文千戶以暴聞民惧吉貞悉擒之歷南京戶部郎迄歸聞居部使者累至廬匿不見其後孫步雲舉嘉靖庚子科鄉試官雲

南令□孫存德中萬曆壬午鄉試丙戌進士由仁和令  
陞戶部主事

郭文輔字良弼少家貧父使牧牛山中文輔挾筆研及獨  
足几以行就巖間註周易弘治甲子就鄉試自負曰文  
如流水魁選穩似山矣主司疑其誕取其文閱之曰子  
殆宜元似不止魁也果第二官塩提舉甚清儉不耐煩  
劇輒解官携石數片以歸一日家忽火公籲天曰有不  
義物願焚火遂滅家居一足不及城市嘗曝日中葺敬  
履有縣役督逋稅於其鄉誤執之不舍及得其實甚愧  
蘄水縣志 卷十三 人物 八

俱文輔曰汝非知我實非汝咎也嘆而遣之

田重器字菊山弘治甲子舉於鄉性雅有醞籍早孤事母  
兄孝謹兄卒多男割己產之半以益之除永川令會流  
賊殘破重器興庶政用撫柔民以寧公數竒遇晚與子  
貢同鄉薦邑春秋自公始

王紳字廷章弘治間歲貢生少英爽有大節居恒喜讀易  
書深於名理初授淳安丞清苦聲聞籍甚中丞薦剡多  
以丞首意擢用之而公死

田貢號少江生而穎異讀書過目成誦十歲善屬文與同



邑周瑯并受業於乃翁菊山先生光生甚愛重之當語人曰他日顯大名成大業者惟吾兒與瑯耳年十七與菊山同領弘治甲子鄉薦屢屈禮闈遂拜嘉興府通判公蒞政寬嚴並濟至誠不欺會海塩有王性者法常死當道檄公捕之犯度不免陰以千金進公郤之諭之曰若畏死耶即出當保不死王素聞公不欺果自繫庭下公白諸當道曰某許若以不死幸勿使某食言因得減盖重公之試也嘉靖九年陞絳州守絳宗室悍甚民苦之公毫不假借宗室帖然一日主事某者耒州放糧不

知為某宗室混領銀一封去雖心疑其人而不可得語公公曰若果此人明日當自送耒主事曰公何為此大言者哉公夜即令一人呼之令呼者無他言但手檄其門云州中有事相喚彼宗室聞呼即應聲曰來者為銀事耶我已將送來矣還如故主事益大嘆服又宗室中有文哥武哥者貧不能婚公婚之又煮粥以救民飢時口人有謠曰當年只說山東李誰想合日蘄水錢盖李亦不比宗室而惠良民者也十三年陞廉州同知廉地遠男女口別生儒少明經術公親講解崇禮教口訓

之十四年調杭州同知未幾以中傷歸惟圖書數冊而已公事繼母極孝居絳廉時因道遠不便迎養而秦請俸事之又每於朔望必冠帶焚香以祝天曰願天年豐願君有道願母壽長即此可見其純孝矣又性澹泊惟好讀書工於詩文與王廷陳廖道南周瑯齊名議者謂公德行文章政事三者蓋咸備云以子邦偁中嘉靖癸丑進七官少卿贈中憲大夫公本姓錢洪武初由荊州避難來蘄冒田姓五世嘉靖辛卯請於朝復錢姓壽八十二所著有嫫母集今尚存

蘄水縣志

卷十三 人物

十

李宗元字東臯名宦李公立菴子生成化戊子十月二十五日治易廩於庠文章英發噐宇山立議論侃然人率敬憚之仰承家學慨然有弘濟蒼生之志而屢試不第謝去家事藏修於白鹿洞正德庚武科中鄉試十九名學益廣而六上春官不第乃除知河南沈丘縣上古黃河淤地也弘治戊午臺臣以陳穎相去三百餘里奏割陳穎項城邊隅建置以均道里且集僑寓齊民云曰沈丘者楚葉縣尹沈諸梁丘墓在也風土弗良百事慕創公以廉敏律己以嚴明御左右時修葺以新學宮□逋

□矣塾江淑人云胡不偶梁木倏傾大志未就易錄幸存聞道以死萬禩斯馨

察月涇號沙江早孤貧天性純孝年十三四屢割股活母事聞兩院旌之隨舉正德丙子鄉試好古博學頗多著述有行秘書決科錄易膚說析衷等書行於世始擔囊受業於王陽明先生之門入南雍□湛甘泉先生游每見噐重公車十一上不第遂終身不仕教授生徒歲至者以數百計嘗作爰英歌曰我爰菜我爰菜傲珍羞棄鼎鼐多吃也不妨少乞也不害首陽薇也在商山芝也

蘄水縣志

卷十三

人物

十二

在四皓與夷齊有□不肯賣侯門安敢咲寒酸終有經天緯地大氣槩又作浩然歌有浩然之氣誰不有我於乾坤獨異受之語生平身無屑越之行口無謔浪之言真行不愧影之君子也且性甘淡泊有司不得一覩其面危坐正席而卒評月旦者□為大隱先生

陳欽號石岑正德己卯以易經舉鄉試丙戌會試已中式被裁遂以副榜授河南新野令居官有廉聲蠲俸積粟活饑民者萬餘百姓祠誦上聞擢大理評事年餘致仕閒居講學著述文言教授生徒邑名流多出其門

李延芳字叔慶生成化乙未治易廩於庠以正德間歲貢授四川大足縣訓□操履純正言咲不苟勤課校即□暑不少輟士類多□薰淑諸生貧者捐俸助給罄囊勿計也會歲祲道殍 望公掩埋之陞汶州教諭致仕公師事叔祖立菴講□於甘泉湛公上親書隨處體認天理六字與之嘉靖丁巳十二月二十六日卒是日公父忌日也卧病強起□衣力不支伏枕痛哭隨卒壬戌大足孝廉六人辰州府椎官雷孔文皆公所造士也先是公已崇祀大足名□矣至是屢請之楚當事者祀入鄉

蘄水縣志

卷十三 人物

十三

賢令君倪公奉祠□有云明二百年惟五先生公之叔父為沈丘君公今作配允矣光荣盖惇史也豈若後來之濫觴哉冷局寒□使人瞻慕如此年来公裔陵遲衰微矣豈公之大美生盡歟抑浚人之本實撥也然則世澤未足恃也

周瑯字光載號兩山母李氏夢神龍入懷而誕公未成童有相者竒之乳母□曰吾兒也相者曰叱嗟庠□而有超乘者耶稍長益好古工著作於羣書無不闕而獨癖左氏故著作大類□正德丁卯舉於鄉庚辰與茶陵□

治蒲圻廖道南同縣南宮張公舉第一人廖公暨公  
頡頏魁名而公道貌翩翩都人士尤竒之相與謠曰一  
名湖廣二名湖廣若問狀元還是周瑯其才名傾動一  
時如此是歲為南狩事明年辛巳廷試司衡石公瑤深  
以狀頭屬公乃公卷□以嘔壞僅列二甲又不遇館選  
例識者惜之釋褐□省垣歷左陟都凡八午所論列居  
多竟以杭直故出宗廬州益務為惠爰有廉名已搜緝  
郡人孝肅公奏議十五卷叙而梓之未久遷兵憲山東  
再督學嶺南課諸□蚤夜自勞苦率先行誼專經術而  
不敢一私請乃以校閱勞遂卒於官初公之嶺南難為  
母別時出嬰兒聲□其詩有依依慈母念千里憶相同  
之句公着有頡□集春秋補傳蘄兵火後鮮存者

李猷字顓之治易年二十中嘉靖己酉科鄉試授射洪令  
比至禦強寇戒不入境創城築堤屹然保障焉陞寧州  
守禦寇馭夷以誠動物陞貳寧國與太守鄭公鳴峴協  
恭佐治如左右手也五十致政宦橐蕭然高尚古處三  
十四年晏如也以恩晉中憲大夫肩隨兄僅後二歲而

執弟禮甚恭不以老倦卒年八十四鄭公入為太□門  
無私謁顧於公生而存問歿為作傳誠重之也邑人士  
數請得祀以鄉賢而每不及然其人未可泯也

周鳴埴字思友以春秋領嘉靖己酉鄉薦中己未科進士  
初授餘姚令姚以倭後最苦大戶徭役公下令方文越  
歲而田覈籍定按籍行雇募而公私称便縣東有湖久  
為貴豪占公悉闢還官啟閉以時歲溉數千頃姚由是  
無凶年又分校浙闈主者索所私卷弗予嗛之薦剡弗  
列也然賢聲籍甚陞兵部武選主事黃耆遮留弗得則

蘄水縣志

卷十三

人物

十五

肖像龍山與故侯胡少保梅林公並祠焉再陞四川按  
察僉憲特勅督理茶鹽水利再陞廣東布政右叅議時  
廣山海皆寇公集兵掃蕩而改調報至公遂掛冠歸矣  
屏居三十年惟琴書詩酒自娛足不入城市偶為邑子  
脫大辟其人來謝絕弗典通捐己基為宗人建始祖祠  
又昉大宗小宗義祠三代其律已行義動與禮準若此  
壽七十八卒祀千鄉兼祀姚名宦所著有春秋旨及詩  
文若干卷

卒畿嗣字民欽任俠有膽畧至性孝友奉父遺命篤事□

□庶母無所委也自諸生名籍甚嘉靖戊午舉鄉試□  
六人壬戌成進士除廣信司理會分宜賄累平民千百  
灶公廷言曰奈何以稱上意令若坐枉耶輒庇其家使  
者大恚會奏最入阻之得主事營繕督乾清宮工穆宗  
親賜玉食使者仍中公大計調衢州司理遷漳州貳守  
數平海上寇上賜金犒師勞公後漳人德公保障崇祀  
名宦歷南刑兵部郎同寅管公東溟曾不輕許可人而  
謂公廉明愷悌人也應機捷如風霆出守惠州惠故蘇  
軾寓所先是沙田陸梁人民大散去公勤招徠縱反間

蘄水縣志

卷十三

人物

十六

禽渠魁整凋瘵嶺東悉平流移盡復督府上首功時嶺  
南方有事羅旁羅旁北壤肇度延袤可幾千里自鄧申  
國公鎮討平後異日益傑黠剽掠不勝數當事者欲大  
創焉而難守肇慶者疏公調守公蒐乘補卒設竒制勝  
髮指奮發以故韎韋之附注君子靡不逞願致死者俘  
馘且數十萬渠率殄滅盡平羅旁東西山召民墾田召  
商伐木陞屬縣瀧水為直隸羅定州設東安西寧二縣  
隸焉捷聞上賜脊殊渥隨擢監軍副使團練全省水陸  
軍重與兩臺峙自是公之功難堪而勞益難堪矣以瘁

□請告未及獲命而卒比卒猶勤簡命焉公所為治大都輕徭育士傾悍扶羸而軍務頻勞嶺東及西尊俎制筭談笑而立不世之伐其智勇弘於百萬之衆幾於資有文武者乎生嘉靖辛卯八月十日卒萬曆戊寅三月廿七不蚤死其功名可勝道哉崇禎壬午漳復移文於蘄請祀鄉賢先是當營繕時邑有瞽以日者術動京師偶忤政府意被逮下獄致之死公輒匿瞽家累長安邸舍而日遣人飲食瞽瞽得不死漳州入覲天官察吏監司呈說本府屬吏不免失真公據實撥正之人為公危

蘄水縣志

卷十三

人物

十七

而公反以是見重於天官焉仲子庠生李生采字白受孝友廉讓一如乃父憲副登第早宦於世廟末歷神廟初江浙閩廣間軍務勞瘁公奉大母及母色養承歡至足也憲副官位風憲而廉不庇其家公亦一錢不名何相肖也父歿而抱憾終天卜地三十餘年築塋於山中者二年考妣襄事耗竭心血而兩足痿痺竟以是終生平言笑不苟祭必敬喪必哀克仁克讓其天性也兄及弟間於墻公居間瀝血誠以平復之雖瓶無儲粟而口不言貧督學金公省吾以孝友旌若公者誠不□是父



是子矣

何鳳起號近邾將誕時父大昭夢大星降於祖□之南因  
名星南生而穎異好攻古圖書家貧兄弟力畊皆責其  
不事產葉答曰我即不遇卜筮鍼灸皆可活何求田問  
舍為時當泰寧即作搶攘想云藥能療疾而需資本思  
黃帝製醫運氣後即講鍼灸三百六十穴法及諸經絡  
熟讀而無師傳會邑宦周某者病頭疼夏月必裹以行  
往巴鎮值巴驛官某詰其故對以狀驛官云還時當過  
此為公鍼宦如言後即全愈公聞而竒之往求教得授

蘄水縣志

卷十三

人物

十八

穴法手法了了心手間漸長未娶往英霍遊學為水阻  
界河上有老夫婦者衣而食之尋訓蒙英山三載還携  
牛數頭及茶萬諸資道暮逢虎當之公從容語曰吾生  
平正直終當大用汝則逝否則當死汝口虎皆俛首而  
去歸遂應萬曆癸酉鄉試舉秋闈明年甲戌成進士與  
孫月峰同榜遂買田稞五十石予界河夫婦報前德也  
初授葉縣令清苦好修聽訟不臨公座每散步庭間使  
民得從容自說公步而聽之有羸病者訟於公先聽其  
公而後灸之其人立愈公退之暇嘗自引水溉瓜公□

好脩飾對客常為俚語迎送皆約薄故當道皆惡之會江陵相之長君懋修北上所過餽遺不經公獨贈以蔬布張公驚曰此必清操令也詢之果然及入朝聞公已黜革張公驚曰此人特清苦好官何人當中傷之耶銓部聞之即日遷廣德州守三年以母艱歸云雙親已歿無所事祿養遂學道石門山中坐一小室十年不仕與麻城周道一相往還意欲置義產千石以給族人之貧者而力不足暫買租五百石又欲置口館未成會沈蛟門為相故公座師也復徵公出又補廣德州守州人以

蘄水縣志

卷十三

人物

十九

公無再来理已而見公喜出望外公兩治州政益善如立義館置義產皆偉績也歷刑部員外郎累陞雲南按察副使未行而卒於京邸公性口直不耻言微時事其讀書尚穎悟嘗貼蘇子瞻文於榻間口而觀之公博學知天文地理針筭諸藝着有諸書行於世

周光德字翼明別號省貞以萬曆之壬午舉於鄉授章丘廣文諸所識拔俱捷南宮嗣令蜀之渠縣茹蘗飲冰適夏雹愼禾虔香拜禱而雹止霄清春早焦壤糲食草衣痛哭於神壇鬼祠之側而麥秀穗岐直指以瑞聞會當

報政聞親病遂堅意投劾掛冠終養溫清之餘杜門着述博綜天文地誌兵屯法律之書恒歎微言將絕以嗣響周程為己任着周易似言行於世又有太極圖說師卦衍義道德經疏薛文清要語藏之家未及鐫石其嚴晨肅夜亦必焚香告天祝曰普天之下咸願皇天默啟宸衷親賢遠奸天下有道國泰民安迄今思之字中有血語底有魂泫然未敢卒讀其家食不忘國也如此七舉鄉賓以崇禎庚辰歲入祀鄉賢

閔廷甲號翼墟中萬曆壬午鄉試己丑進士授常州府司

蘄水縣志

卷十三 人物

二十

理廉直有聲擢吏部文選郎中時□注意鄭妃欲立福王為儲群臣固請立嫡上疏忤旨者甚衆議久不決公同孟界浩等數詣朝堂伏闕數日特疏固請上意乃轉公降五級遷南工部皇儲雖定而上意未解也屈二十年轉北通政使疏載明紀中居官二十年布衣蔬食自若也產業蕭然僅以清白遺卒祀名宦鄉賢着有詩文行世

萬良儒號楚東萬曆時歲貢任祁門縣訓導初受事即與諸生約曰國朝制度因事設官因官命名因名立義□

非欲人顧名思義無徒尸素為也訓導之名其義□□  
以言教士曰訓以行先士曰導愧予庸猥何言可則何  
行可法一惟信以基辭凡所以日相告語以至刻述孝  
順詩歌杜撰親長對聯徧給多士莫非由衷之言求以  
盡訓字毫末之義而非以釣沽名譽為也貞以律身凡  
所以辨義利審交際以至學租賃銀祭祀常例不應得  
者一芥不取莫非正己之念求以少盡導字毫末之義  
而非以矯激世俗為也祁有兄弟以繼立爭者公延至  
□中林兄則述古今愛弟而不較其犯已者委曲以勸  
之於弟則述古今敬兄而不忍傷天和者委曲以戒之  
而其人猶不釋復集兩家師諷其匡正務來誠動否則  
請謝事辭其子弟而去兩人慙遂弃萬金而式好如初  
焉即此數事而公之人品心術槩可見已

孫慈號生白萬曆甲午舉於鄉性孝友初仕分俸先為其  
兄醇白置產居喪骨立守禮甚嚴初守灤州多惠政繼  
補無為州廉能無雙兩地有畏壘之祝雖殷殷澤民寄  
興常在物表敦儒行而耽二氏卒後宦產蕭然也

陳東厚字□甫萬曆甲午舉人授常山令蒞數月而謳歌

載道畢魃為雷禱□補而□□為災祝於祠而瘳□  
驚以為活佛云賢聲上聞調繁永康以績奏留授寧國  
府別駕殊出輿情外公視之泊如也視篆數邑所至蕭  
□祠焉隨晉本府丞而尊鱸之思勃然竟掛冠還里蕭  
蕭兩袖清風耳嗣以覃恩進階知府平生博學喜屬詞  
少有著述兵燹後罔有存者

官應震號暘谷其先為黃岡人徙蘄焉中萬曆甲午第三  
戊戌進士性淳至篤厚初授南陽令丁艱補濰縣令多  
異政有以因忿毆殺人應辟者公曰此非盜比而先祀

蘄水縣志

卷十三 人物

二二

絕殊不忍為別室獄中許其本婦輸入宿兩造至見鰥  
者輒識之他口值怨女無夫者即召婚之三年舉循良  
第一內召去濰人男女多抱哺其子走而號者問之皆  
公堂配耦所生入獄婦人之產子也入為戶科給事中  
上厭諸言臣獨直公留捫六垣事者九年上嘗以公問  
左右曰見此人疏敢盡言任怨顧其人身長幾許左右  
以公貌對御書姓名於屏間以小官呼之公留心國計  
獨任不惧所上疏於人才消長東宮國本禮儀奢儉□  
豎朋黨無不陳說請罷諸額外貢稅積穀勸農開視□

兵虛籍兼禁那移無不詳直遵永密兵饑幾致變詔□  
軍餉久遠公稱國初金花銀百萬儲太倉急則足邊需  
正統中改儲內用非祖宗法請還太倉濟軍食上未俞  
後饟匱大司農急適外齎金花銀十餘萬至公白大司  
農徑給遼左軍然後請上罪司農不問公東事急一日  
喪三城公贊起杜松劉鋹李如栢諸宿將又建海運說  
請自青登萊三郡用海道運糧抵旅順援遼時國用詘  
合省直增賦二百萬而七十餘萬註楚賦中公以不均  
爭得咸註三十三萬楊鎬經畧遼東敗績逮繫公贊廷

議以舊臺臣熊廷弼代兵部尚書黃嘉善與廷弼左兵  
芻不應公上䟽切責嘉善是時朝臣多黨公獨蹇七言  
天下事前後二百餘䟽皆碩畫焉神宗崩光宗即位始  
稍遷公太常少卿光宗崩熹宗即位覃恩進秩即乞骸  
骨歸託山水自娛構閒雲樓於南河擊空明石上往來  
名流互相題詠晚年禪定如是菴與高僧無空為侶天  
啟中屢招公以魏璫用事計日敗拒不出卒免害崇禎  
中上數問皇祖朝諫官官某何不見忌者不對所着三  
式書雖奉旨取閱司部署格之尋欲起用而公已卒年

六十八所着疏草二十餘卷宛澨政紀十卷旁通太  
六壬竒門遁甲諸術數並着三式全書百餘卷藏金陵  
中崇禎末為兵散逸

周延光號斗垣萬曆甲午舉於鄉辛丑成進士初為金華  
守興利除害百姓戴之如二天歲大旱步禱郊外雨即  
應三年兩舉卓異督學浙江觀面魁星者二拔曹勲第  
一許以元是科果中會元拔袁儼第二許以魁果中第  
伍先後兩榜叨上第者皆其科歲兩試冠軍者也遷木  
省藩司收發一介不取會銀庫火公奔入火中拜禱風  
蕪水縣志 卷十三 人物 二四

反火滅至誠之格如此居鄉數載一足不入城市亦不  
以一字干有司邑人立賢大夫祠於雲路祀之更祀名  
宦賢鄉

王之民號存初中萬曆庚子鄉試由河源令歷蔚林全州  
守公至誠和吉坦懷無我聞人善則樂道不休聞人過  
則嗟嘆而掩之生平無欺人之言無不可對人之行所  
過治處有廉吏聲雖梗化愚頑亦無不以為真父母也  
又善知人士之經品題者輒捷去掛剋歸里僅行李數  
肩耳復捐餘俸六十金置祭田數畝以祀先貽後公囊

無長物其數十金即與他人之數千百金等也窟成居里家四壁立竟不能供興馬年七旬外徃來避亂悉皆徒步晚年舉幼子自課之尚能手錄先正文字百餘首以授順治戊子間東山亂作公居團陂為衆近地衆以公長者不相逼但不得脫身遠舉耳會兵入執衆惟以公盛德不加罪行於鋒鏑危陷之中而卒保無恙良不偶也壽八十卒卒之夕有異徵正人君子如公者真所謂祥麟威鳳邦國之光者也後有祀鄉賢者公其稱首矣其侄王之俊襲岳南姓中崇禎壬午鄉試坦白正直

蘄水縣志

卷十三 人物

二五

之  
畢大猷號在湖至性孝慕嗜學攻若嘗執書步讀簷下歲暮堦數寸陷以是博覽群籍才思濬發常遊三角寺走筆題其門曰清風隨我來三角王露催人到五更中  
曆癸卯鄉試甲辰闈本房首薦堅恃必置第一主考欲少次之袖其卷不出坐遺授穀城教諭時鄖陽治院黃公紀賢雅意作人羅三省髦士於龍門書院屬公校藝談經命多士師事之凡所品題率登巍第年五十一以



疾卒於官子二同乳長九臣次十臣甫總角即咲語人曰此兩兒俱不凡其大吾後乎後九臣中天啟甲子鄉試官儀隴令歷嘉興府貳崇禎己卯贈公奉直大夫十臣中崇禎丙子丁丑聯捷由慈谿令擬授福建道御史以鼎革之際未竟用

魯若參字得之性敏給於書無所不讀於境無所不窺於古今文詞下筆千萬言立就而與人處恬如也靄如也文多竒創沉至早餼於庠列高等者屢屢矣而亦嘗一蹶天啟辛酉舉楚中第十四人雄文膾炙人口署應城蘄水縣志

卷十三 人物

二六

縣學博人服其教士論惜之

黃耳鼎號澹巖幼而好學家貧夜誦母不與以燈則誦於月下天啟癸亥膺恩選貢生部考得縣令不就浪遊荆荆有貧民困於公属耳鼎干請議酬謝資初若極難及議定後出之甚易怪而問之知其鬻子與媳以踐前約大憐之還金使贖子媳歸而特請當事以脫其阨崇禎丙子科入都應順天鄉試道逢老人泣因問故曰有冤鬻女為人妾而令將以為媵婢心傷之紆途三日傾囊□其女以歸老人遂後棘闈期值闈中火焚燒士子卷

改期再試耳鼎始得入遂以是科登順天賢書丁□□  
會試第三授中書舍人奉命賚諭書諭江楚粵西諸□  
王壬午分考順天薦士十二人秩滿當考選召對稱旨  
授廣西道御史彈文不避權貴甲申流寇破關中欽點  
巡按陝西未及任道逢寇大舉八燕奔江南復授安撫  
察院所至理冤獄全活者無筭未幾差巡江 大清定  
江南投誠授原職乙酉秋卒於官年五十三生平坦易  
和柔力學不倦與從兄正色丙子同登燕楚賢書時稱  
浣川兩黃子云所着詩文皆散逸

蘄水縣志

卷十三 人物

二七

金甌字卜公萬曆戊戌進士雅初公玉節之子也少孤事  
鄢孺人以孝聞好讀書邑先達則執鞭事之遠方名流  
則欣慕而交之與羅田童乎寓麻城劉侗人及邑黃美  
中為兄弟之盟皆以文章道義相許焉合肥襲令來宰  
浣深器重之門弟子日益進性亢直不能容人過常面  
訐人故恒人畏避而高明之士則樂與之遊同業者皆  
先鞭甌獨困諸生中志彌勵崇禎壬午科賈勇入闈始  
見知於蔡沙門先生登賢書是歲道阻公車不前至江  
南復歸癸未寇陷蘄城踉蹌以出二豎隨之矣年五十

有一沙門蔡公諱道憲泉州人亦以禦寇不屈死泉人義之為祠於其鄉人曰非蔡公不足以知甌也

### 文學列傳

朱期至字子德嘉靖甲子舉於鄉萬曆甲戌成進士無江夏蕭漢冲良有李本寧維禎俱以佳公子登上第張楚官懷慶太守子德意翩翩凌雲不有其太守也蚤卒向與蘇州山人胡之驥厚善相倡和驥為詮次其遺稿問序於吳明卿國倫今所傳王屋山人稿者是若子德者可謂風流文雅者矣

蘄水縣志

卷十三

人物

二八

徐一唯號心溪八歲能屬文弱冠登隆慶丁卯賢書成辛未進士初為萬載令捐俸置學租千肆百斛會隣寇跳梁直指以討賊檄萬載公出火攻竒策搗巢穴幕府論功例錫百戶以延世賞公夷然不掛齒頰已而擢南比部尋改北計部遷正郎旋守福建延平以內艱歸起補潮州太守擢本省嶺東兵備副憲保障五嶺屹然金湯千里矣解綬歸十餘年喜愠不形邑有利病輒為閔說曾不以私謁為無情饒舌桑梓服之久之左遷兩淮運同凡八越月擢本司運長益清若以入覲無暮夜資遂

拾遺致仕公益飄然物外尋樂於詩盟酒社之間崇禎  
戊辰公卒公父諱文言博洽經史以公貴累贈至中憲  
大夫

陳所志號見衡風流倜儻逸才天授凡為文無論古今辭  
體皆倚馬立就中萬曆乙酉鄉試第十會試已入彀者  
二次而皆以數竒復失遂放浪詩酒間着有易經心解  
博會諸先儒而自成其說生平詩文皆可誦兵火□鮮  
存者

郭士望字應璜號天谷中萬曆癸卯鄉試第一名甲辰科

蘄水縣志

卷十三

人物

二九

進士授行人轉祠祭司主事己酉分考順天庚戌轉考  
功司主事陞員外壬子典試山西未幾假歸里黨人嫉  
之久不補原秩左遷浙江按察使浙復有嫉之者乞差  
歸熹宗即位補汝南道叅藩政淮楊兼䟽塩法進嘉議  
大夫遷福建按察司廉使值內艱不赴構園於城西名  
其菴曰卷懷流寇攻城不出陷卒墻下年八十有一生  
平坦易無機械狀貌偉然望之如神才長學富為文□  
筆輒瑰瑋竒麗後學多宗之所着有應璜卷懷二集  
朱期昌號辰翁由監貢中萬曆己酉順天鄉試庚戌成進

士授戶部主事轉貴州司員外郎總理山西寧武等處  
糧儲未赴旋轉浙江司郎中銓擬公開封守辭不拜戊  
午題公視通州空運庚申例陞常州太守先是公父袵  
典郡適生公至是毘陵幾幾望之謂再見張奐子猛之  
為武威也而潞河難其代遂沒於官公子然席父兄緒  
於中葉屏去一切貪書好古蚤年即以才名楚十二子  
之一博問強記為文務原本其所自多識古事居家居  
宦斤斤乎名誼是好天啟元年祀鄉賢

啟芳字叔開號闔庵映虛公凌雲之子也少穎異慷慨

蘄水縣志

卷十三

人物

三十

一有為弱冠登萬曆戊午科□書屢困公車益下帷勵志  
聯邑中知名士數十人為文杜共相砥礪每會集昭化  
寺種智庵及芟湖之濱必宿治酒脯俟篇終日暮與諸  
友縱譚而罷於是今古文無所不淹通而學日富崇禎  
辛未科成進士甲戌授海陽令時海寇劉鄉老猖獗故  
有豪首林龍角周端偉者相為黨公以計擒之立斃杖  
下歡呼遍城野更出奇助督府熊公文燦平苟酣老劉  
鄉老等已卯分考粵閩庚辰入覲奏最應在考選中忌  
者沮之復任海陽未幾遂落職癸未公避地白門益讀

生平所未竟書至披衣挑燈熒熒達曙光不休甲申□  
八月太白經天有黑氣貫太陰長丈許公曰天命之不  
可為矣乙酉果南都變作歸楚詩多流涕語順治丙戌  
七月而公卒矣公生平果敢任事友誼真篤人有急周  
之惟恐不逮有不平力排之人固敬之畏之然亦以此  
取尤間為彈碁陸博諸戲無不精妙所編輯有天文星  
曆卜筮諸種所着有類海策畧天故諸種多散失無全  
帙焉

高弘基字元開性豪爽不羈而甚孝友讀書多穎異李邑

蘄水縣志

卷十三 人物

三一

楊洞元先生器之以女娶焉崇禎庚午舉於鄉庚辰成  
進士官大名司理值歲饑公捐俸為市牛種時山東梟  
賊名米玉者逼近公治公諭以禍福招撫之又民間若  
大馬差買俵放牧解部各費反復浩煩民至重足公曰  
流離初復何堪此乃白直指疏暫改折色民咸德焉壬  
午應山東分房聘所拔者皆名士如匡蘭馨朱廷位李  
适俱成進士歸治復入武闈所得周之冕等十二人皆  
斌斌杰立方擬大用而公已卒所着有眉亭燕心二艸  
今尚存

相業列傳

姚明恭號崑斗中萬曆癸卯鄉試己未成進士第十人之  
年改庶吉士天啟丁卯授檢討轉右贊善崇禎戊辰轉  
右諭德庚午順天主考丁丑轉左諭德經筵講官轉左  
庶子纂修再轉詹事掌翰林院印戊寅轉禮部右侍郎  
教習館員經筵講官東宮侍班己卯轉左侍郎本年進  
東閣大學士禮部尚書隨進文淵閣大學士加太子少  
保戶部尚書資政大夫其制誥之詞有曰風規澹遠宇  
量端弘格德明而成士遜王且謨弼之心繪民隱而省  
蘄水縣志 卷十三 人物 三二

規條李沆公忠之德祖子鶴父光盟俱贈如子官祖母  
戴氏母江氏妻戴氏羅氏俱夫人先是崇禎末年蘄之  
漕米必從蘄州兌軍州去會成遠無彈壓者軍旗乃肆  
為科派里甲苦之公為言於□臺改兌會城民甚賴焉  
會時鼎革公赤旋卒黃之九屬數百年來稱宰相者惟  
公一人而已

武科列傳

文質嘉靖間人善騎射有異材由武狀元任錦衣衛都□  
□麾詔由武進士任錦衣衛都指揮僉事父子二人一

□昭義一□□男歷數百年以武狀元顯而父子叨國  
謚者蓋亦僅焉

鄧祖禹字又玄家貧而負氣慨慷不耐與里中細人伍每  
傲視之以是每來細人之咻勿顧也以武科中楚試連  
不得志於燕臺萬曆己未東事殊急武場會榜竣矣議  
者特疏精選將材科武進士一榜數十人禹遇焉授遼  
陽守脩尋以遊擊將軍守三岔河有功而不協於主者  
假歸適辰沅土司不靖上臺檄禹往脩之計擒渠魁張  
五保斬之漆其頭以示人乙亥丙子間流寇初□蘄禹

蘄水縣志

卷十三 人物

三三

以家丁合民兵夜至土壁山圍而勦之可百人獲馬九  
十七匹輜重咸有之忌者孟浪將上愬禹不能平追而  
斃之督府令待罪勦寇自贖遂携其子庠生天源天河  
禦寇於應城血戰殺傷過多力憊被獲寇爰其梟勇以  
富貴好語誘之禹唾罵愈激遂遇害心膽割去惟鬚長  
可識得歸骨先壠應城人高其義祠之禹讀書頗淺白  
面入官援筆成遼籌萬言井井可觀至於孝其孀母則  
肫至甚也天河倔強有父風友人李子嘗誣償其金數  
□□而□之



□義士程為當徐玉蘭蔡巨人胡方壺徐□極由武舉利俱邑人知兵有氣節崇禎丁丑春因流寇不時困城下邑令龔設里兵每里出資募壯丁一人共得五百八十人守城而以五人主五營三月十七寇至新橋為常將兵襲賊為賊所殺越二十七日徐玉蘭等四人復與賊戰於業山寇多兵少殺傷甚衆四人死龔為立五義士祠手書額以祀之更申詳兩院具題兼請學憲高各給祠生一人以供俎豆祠在城隍廟側益獻逆燬

贈蔭列傳

蘄水縣志

卷十三

人物

三四

大清

官撫渙字萃之以太學生丞會稽得邑人心遷叅軍寧海未任順治初清兵入杭搜仕者徵於與人群頌之又得為會稽令未幾剃髮令急君白郡守少需之弗聽民始揭竿殺郡及隣邑官不忍及君君抗節數日始遇害聞於朝賜祭塋贈按察司僉事錄其子純心賜名存坳入監讀書

補遺列傳

□□字栢齋以易中嘉靖乙卯鄉試初授河南閩鄉學正

應廣東分考聘得門生六人聯捷者伍陞河南西華□  
公性純孝乃翁廷訓公以八旬年高不便之任每值誕  
辰公輒具冠帶拜泣曰早知父子睽隔若此不若守敝  
廬之為愈也舉人知其孝群迎封翁至華凡鄉紳燕會  
先迓封翁則樂否則相顧而泣曰寧甘藜藿食親側不  
樂珍饈作土賓治華期年多善政尤加意義田義塚孝  
子節婦隨致政歸共辭曰母逝七載已抱終天之恨父  
年八耄孔懷風燭之驚遂得謝事歸僅薄俸百金又兮  
半以予兄養親一十三載朝省夕定必躬親之父歿葬

蘄水縣志

卷十三

人物

三五

于宅後廬墓三年刻不離塚年家門生知其□遺以金  
弗受也孝終有門生黃應坤任楚臬司謝三知任楚巡  
憲為具奏疏云遴選雖非殿撰德孝可致風雷部擢用  
之而公不就惟暮年甘貧勉子讀書而已猶記其勉子  
之聯曰白髮無情吾老矣青春不再女知乎公之胸次  
可槩見矣

易之貞字忠甫□中隆慶庚午科鄉試第八人視學清浦  
與屠赤水遊補長沙學學雨生爭貢梁富而魯貧然魯  
直而梁曲公竟予直者太史莊天合時為諸生親炙故

為姑鬻姑曰汝年少湏當留為改適資婦曰余為程氏  
婦又焉他適所不即死為夫疾時有張君甚勤苦不及  
謝也頃之張君來吊婦為脩酒饌出拜謝畢忽不見姑  
驚尋之溺死夫墓側池水中年十七死之日無不感激  
祭吊至千人哀章滿廬